

庶物類纂

蔬屬
自四十三至四十四

容

太政官文庫	
和書門	特別
類	二
號	三六二
函	第五
架	四六五册

內閣文庫	
番號	和 32362
冊數	465 (259)
函號	特 54 1

九十四

共七十三




A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak







庶物類纂蔬屬卷之四十三目次

蓼

香蓼

庶物類纂

卷之四十三

蔬屬目次

蓼

一名蓼芽菜農政全書
一名辣茶正字通

倍名搭德トク

蓼

茶蓼也。紫色者茶也，青色者蓼也。其味辛且苦，食明目。或謂紫葉者為香茶，青者為青茶，亦謂紫色者為紫蓼，青色者為青蓼。其長大不苦者為高蓼。高或作馬。○晉

崔豹中華古今注

蓼尤宜水畦種也。後魏賈思齊民要術

蓼作菹者長二寸則剪，絹袋盛沈於醬甕中，又長更剪常得嫩者。若待秋子成而落莖，既堅硬葉又枯燥也。取子者候實成速

收之。性易凋零，晚則落盡。五、六月中蓼可為齏以食。莧同。

崔寔曰正月可種蓼同上

家政法曰三月可種蓼同上

爾雅曰蓄虞蓼虞澤蓼也

毛詩曰予又集于蓼言辛苦也

離騷曰藜蟲不能徙乎葵菜

禮記曰鶉羹雞羹鴛釀之蓼

吳越春秋曰越王念吳欲復怨非一旦也苦思勞心夜以接日卧則切之以蓼

機謹按淵鑑類函切作攷

魏文子曰蓼蟲在蓼則生在芥則死非蓼仁而芥賊也本不可失唐歐陽詢藝文類聚

機謹按不可淵鑑類函作可不

蓼有數種葉長銳而薄生於水中者曰水蓼葉圓而厚生於澤中者曰澤蓼一名虞蓼亦謂之蓄而許叔

重云蓼一名蓄虞非也蓄音嗇唐顏師古急就篇注

爾雅曰蓄虞蓼

詩曰閔子小子不堪家多難予又集于蓼

禮曰膾秋月蓼鶉羹鴛釀之蓼

劉向別傳曰尹都尉書有種蓼篇

機謹按淵鑑類函別傳作別錄

魏子曰君以臣為本以民為根猶室與柱梁相持也
梁不強則上下俱亡故蓼虫在蓼則生在芥則死非
蓼仁而芥賊也本不可失也

任昉述異記曰長沙定王故宮有蓼園云定王故園

也菜之辛者謂之蓼太平御覽

山獐無魚具上下斷其水揉蓼葉困魚魚以辣出名

癆魚宋朱輔溪蠻叢笑

蓼有數種其葉有圓有尖而圓者為勝古人種蓼為
蔬收子入藥香蓼可為生菜青蓼宜入藥用其葉相
似而俱薄平澤生者為良餘蓼無用趙南星上醫本草

師切蓼郭氏云即蓼之生水澤者也蓼類甚多

有紫蓼赤蓼青蓼馬蓼水蓼香蓼木蓼等紫赤二蓼
葉小狹而厚青香二蓼葉相似馬水二蓼葉俱闊大
上有黑點諸蓼花皆紅白紫赤黑木蓼一名天蓼蔓
生葉如柘花黃白子皮青滑其最大者名蘿已見別

章中宋羅願爾雅翼

格物叢話蓼有二種不可不之辨也其一樹身筆直高者丈餘節生如竹圍徑寸半許每節中間壯下而銳上一節高一節初出地面每節三寸四寸五寸許漸至其中八寸九寸或尺餘不止也直到末首始四向抽枝着葉葉大者亦尺餘枝頭抽穗穗間着花花如紅糝樣不計其數也花能結子花着地次年又自根萌取次而出春苗夏茂秋始華八九月餘點綴爛熳亦儘可愛其一叢生高不下二尺許莖細弱葉似柳其味香辣枝頭葉底亦抽短穗着糝糝紅花等閑

淤泥處出此俗名辣蓼人多賤之豈容一槩觀合璧類蓼陶隱居云此類又多人所食有三種一是紫蓼相似而紫色一是香蓼亦相似而香並不甚辛而好食一是青蓼人家常有其葉有圓者尖者以圓者為勝所用卽是此乾之以釀酒主風冷大良馬蓼生下溼地莖斑葉大有黑點亦有兩三種其最大者名龍葢音鼓卽是葢草已在上卷中品唐本注云爾雅云葢一名龍葢大者名蕪切則最大者不名龍葢陶誤呼之又有水蓼葉大似馬蓼而味辛被蛇傷搗傳之絞

取汁服止蛇毒入腹心悶者又水煮漬脚將之消脚氣腫生下溼水傍今按陳藏器本草云蓼主疝癖每
日取一握煮服之人霍亂轉筋多取煮湯及熱將脚
葉搗傅狐刺瘡亦主小兒頭瘡又云蓼莖俱弱陽人
為蝸牛蟲所咬毒徧身者以蓼子浸之立差不可近
陰令弱也諸蓼竝冬死惟香蓼宿根重生人為生菜
最能入腰脚也臣禹錫等謹按蜀本圖經云蓼類甚
多有紫蓼赤蓼青蓼馬蓼水蓼香蓼木蓼等其類有
七種紫赤二蓼葉小狹而厚青香二蓼葉亦相似而

俱薄馬水二蓼葉俱闊大上有黑點木蓼一名天蓼
蔓生葉似柘葉諸蓼花皆紅白子皆赤黑木蓼花黃
白子皮青滑爾雅云薔虞蓼釋曰薔一名虞蓼即蓼
之生水澤者也周頌良耜云以薔茶蓼毛傳曰蓼水
草是也嘉祐補註本草

蓼實生雷澤川澤今在處有之蓼類甚多有紫蓼赤
蓼一名紅蓼青蓼香蓼馬蓼水蓼木蓼等凡七種紫
赤二種葉俱小狹而厚青香二種葉亦相似而俱薄
馬水二種葉俱闊大上有黑點此六種花皆紅白子

皆青黑木蓼一名天蓼亦有大小二種蔓生葉似柘
葉花黃白子皮青滑陶隱居云青蓼入藥然其蓼但
堪食又以馬蓼為葑草已見上條餘亦無用蘇恭以
水蓼亦入藥水煮將脚者多生水澤中周頌所謂以
薺大羔切茶蓼爾雅所謂薺虞蓼是也又三茅君傳有
作白蓼醬方白蓼藥譜無聞疑即青蓼也或云紅蓼
亦可作醬本草圖經
蓼實即神農本草經第十一卷中水蓼之子也彼言蓼
則用莖此言實即用子故此復論子之功故分為二

條春初以葫蘆盛水浸溼高掛於火上晝夜使煖遂
生紅芽取以為蔬以備五辛盤又一種水紅與此相
類但苗莖高及丈取子微炒碾為細末薄酒調二三
錢服治療癩久則効効則已宋寇宗奭本草衍義
蓼韓保昇所說甚明古人種蓼為蔬收子入藥故禮
記烹雞豚魚鼈皆實蓼于其腹中而和羹膾亦須切
蓼也後世飲食不用人亦不復栽惟造酒麴者用其
汁耳今但以平澤所生香蓼青蓼紫蓼為良明李東璧本草

綱目

疏屬

蓼

七

思邈曰黃帝云食蓼過多有毒發心痛和生魚食令人脫氣陰核痛求死二月食蓼傷人胃扁鵲云久食為淋與大麥麵相宜同上
韓氏曰蓼生雷澤川澤雖生各處多在水旁苗莖高尺餘葉大色淡綠莖節間如雞腿有紅色蓼類甚多有青香水馬紫赤木蓼七種紫赤二蓼葉小狹而厚青香二蓼葉亦相似而俱薄馬水二蓼葉俱濶大上有黑點木蓼又名天蓼蔓生葉似柘葉六蓼花皆紅

白子皆大如胡麻赤黑而尖扁惟木蓼花黃白子皮青滑諸蓼皆冬死惟香蓼宿根重生其苗可為生菜李氏曰古人種蓼為蔬收子入藥故禮記烹雞豚魚鼈皆實蓼于腹中而和羹膾亦須加蓼也後世飲食不用人亦不復栽蒔惟造酒麴者用其汁耳今但以平澤所生香蓼青蓼紫蓼為良明倪朱謨本草彙言
外有馬蓼水蓼二種馬蓼又名大蓼生下溼地高四五尺莖斑葉大中有黑跡如墨點記其最大者名水葒草也水蓼生淺水澤旁葉長五六寸比水葒葉稍

狹比家蓼葉稍大，莖赤色。今造酒家以水浸葉取汁和麩作麴，亦取其辛香耳。諸蓼苗葉子其功彷彿，亦可通用。別錄同上

蓼一名水荳，花其類甚多，有青蓼、香蓼、葉小狹而薄，紫蓼、赤蓼、葉相似而厚，馬蓼、水蓼、葉闊，犬上有黑點，木蓼一名天蓼，蔓生，葉似柘，六蓼花皆紅白，子皆大如胡麻，赤黑而尖扁，惟木蓼花黃白，子皮生青熟黑，人所堪食者三種：一青蓼，葉有圓有尖，圓者勝；一紫蓼，相似而色紫；一香蓼，相似而香，竝不甚辛，可食。諸

蓼春苗夏茂，秋始花，花開蓓蘖而細長二寸，枝枝下垂，色粉紅，可觀。水邊更多，故又名水荳。花身高者丈餘，節生如竹，秋間爛熳可愛。一種叢生，高僅二尺許，細莖弱葉似柳，其味香辣，人名辣蓼。竝冬死，惟香蓼宿根重生，可為生菜。青蓼可入藥，古人用蓼和羹，後世飲食不復用。人亦鮮種。藝今但以平澤所生香青紫三蓼為良。辛溫無毒，實主明目，溫中耐風寒，下水氣去瘰癧，止霍亂，去面浮腫，療小兒頭瘡。苗葉除大小腸邪氣，利中益智。一云青色者蓼，紫者茶。明王蓋臣二如

庶物類纂卷四十三

蔬屬

蓼

九

亭群芳譜

春初以壺盧盛水浸蓼子高挂火上使暖生紅芽以備五辛盤與大麥麩相宜同上

蓼芽菜本草有蓼實生雷澤川澤今處處有之葉似小藍葉微尖又似水荳莖葉而短小色微帶紅莖微赤稍間出穗開花赤色莖葉味辛性溫救飢採苗葉燂

熟水浸去辣氣淘淨油鹽調食明徐光啓農政全書

蓼子擇細葉者是若川蓼則大葉葉中有青點宜細

辨之明王百堂證治準繩

詩予又集于蓼言辛苦也爾雅蓄虞蓼也虞澤也吳氏本草

蓼實一名天蓼一名野蓼一名澤蓼魏文子曰蓼虫

在蓼則生在芥則死非蓼仁而芥賊也本不可失蓼

類甚多有紫蓼赤蓼青蓼馬蓼水香蓼木蓼等花色

皆紅白紫赤黑木蓼一名天蓼其最大者名龍蓼辛

物越王苦思報吳臥則以蓼長沙定王故宮有蓼園

明陳仁錫潛確居類書

蓼類甚多有紫蓼赤蓼青蓼馬蓼水蓼香蓼等紫赤二蓼葉小狹而厚青香二蓼葉相似馬水二蓼葉俱

潤大上有黑點諸蓼花皆紅白紫赤黑木蓼一名天
蓼蔓生葉如柘花黃白子皮青滑其最大者名龍蓼
辛物越王苦思報吳臥則以蓼漢尹都尉書有種芥
葵蓼韭蔥諸篇而長沙定王故宮有蓼園或云紅蓼
亦可作醬明王思義三才圖會續集

花開蓓蘖而細長二寸枝枝下垂色粉紅可觀惟水
邊更多故俗名水紅花也花葉用以煎汁洗脚瘋癢

良明高濂遵生八牋

法天生意清明前一日採大蓼曬乾治悉痢米飲調

服一錢明馮應京月令廣義

蓼水穢草也一名薺一名虞蓼生水澤中及卑溼處
高二尺許細莖弱葉似柳其味香辣葉底亦抽短穗
慘慘紅花今俗辣蓼人多賤之蓼類甚多有紫蓼赤
蓼青蓼馬蓼水蓼香蓼木蓼等紫赤二蓼葉小狹而
厚青香二蓼葉亦相似而俱麤馬水二蓼葉俱闊大
上有黑點木蓼一名天蓼蔓生葉如柘葉諸蓼花皆
紅白子皆赤黑木蓼花黃白子皮青滑明吳元化毛詩鳥獸草

攷木

蓼辛草也。有朱蓼、青蓼、紫蓼、香蓼、水蓼、木蓼、馬蓼、蓼七種。惟朱、紫者葉狹小而厚，花開蓓蘖而細，長約二寸許。枝下垂，色態俱妍，可為池沼水濱之點綴。若青蓼、香蓼，可取為蔬，以備五辛盤之用。至於馬蓼、水蓼，止可為造酒麴中所需，并入藥用。木蓼考見前。清陳
秘傳
花鏡
蓼詩曰：以薺茶，蓼集傳云：在陸曰茶，在水曰蓼。八閩通志
蓼辛菜，土人但以製麴，不供蔬茹。重修鎮江府志
蓼草叢生，葉綠莖長，節虛在陸為茶，在水為蓼，用以

造麴釀酒。汀州府志

蓼生水澤間。吳越春秋：越王念復，吳讐目臥，則攻之以蓼。

紹興府志

蓼爾雅曰：薺，虞蓼。虞澤蓼也。有青蓼、紫蓼，即水紅花。

江陰縣志

野蓼治滾肚痧，用七頭嚼以長流水吞下。福寧州志

蓼生水邊，其花紅色。烏程縣志

苦草也。陸生曰茶，水生曰蓼。詩以薺茶，蓼。曹縣志

蓼江岸者曰紅蓼，道傍者曰辣蓼，可造麴蘖。台州府志

蓼辛菜土人但以製麩不供蔬茹丹徒縣志

機謹按鎮江府志麩作麵

蓼味辛子生芽可充蔬幾輔通志

詩傳曰在陸為茶在水為蓼辛菜也土人用以製麩

不供蔬茹金壇縣志

蓼有青蓼香蓼水蓼馬蓼赤蓼木蓼紫蓼七種花皆

紅白惟木蓼花黃諸蓼冬萎惟香蓼宿根重生可為

生菜當塗縣志

蓼大者開花入藥小則隨處皆有伏月採之浸造酒

麩較他處特勝皆自生東陽縣志

蓼類皆高揚故字從蓼高飛貌有九種取為蔬以備

五辛盤造酒麩者亦用其汁六合縣志

京蓼紅白二種白者為白蘋二月下子清石巖逸叟增定致富奇書

蓼盧皎切音了辛艸有青蓼香蓼水蓼馬蓼紫蓼赤

蓼木蓼七種紫赤二蓼葉小狹而厚青香二蓼葉相

似俱薄馬水二蓼葉濶大上有墨點俗名黑記草木

蓼又名天蓼樹如冬青葉似柘子如棗六蓼皆紅白

子皆大如胡麻赤黑尖扁惟天蓼花黃白子皮青滑
又有木天蓼生天目四明山樹似梔子冬月不凋又
有藤天蓼藤著樹生葉如梨光而薄子與木天蓼同
又毛蓼生山麓似馬蓼葉上有毛冬根不死疑即香
蓼又三茅君有作白蓼醬方藥譜無白蓼疑即青蓼
古人種蓼為蔬收子入藥禮內則烹雞豚魚鼈皆實
蓼于腹中後世飲食不用惟造酒者用其汁今但以
平澤所生香青紫三種為良詩周頌子又集于蓼又
良耜章以薺茶蓼朱傳茶陸草蓼水草一物而有水

陸之異今南人謂蓼為辣茶或用以毒溪取魚即所
謂荼毒一說蓼亦有陸生者和羹膾皆用之叢生田
間則害苗無二蓼也非與茶為一物也傳誤
清廖文
英正字
通

禮記內則蝸醢而苾食雉羹麥食脯羹雞折徐犬羹
兔羹和糝不蓼疏和糝不蓼者此等之羹宜以五味
調和米屑為糝不需加蓼也濡豚包苦實蓼濡雞醢
醬實蓼濡魚卵醬實蓼濡鼈醢醬實蓼疏凡言實蓼
者皇氏云謂破開其腹實蓼於其腹中更縫而合之

也。膾秋用蓼、鴟、羹、鷄、羹、駕、釀之。蓼注釀謂切雜之也。魴、鯁、丞、雞、燒、雉、薺、無、蓼、疏、薺、無、蓼者、薺謂蘘、苳、之、屬、言三者調和唯以蘇、苳、之、屬、無、用、蓼也。佩文齊廣群芳譜

機謹按膾秋之膾淵鑑類函作豚

爾雅曰：蓼，虞蓼。水蓼也。山夾水為虞。


禮記曰：濡豚，包苦實蓼，濡雞，醢醬實蓼，濡魚，卵音鯢醬。

實蓼，濡鼈，醢醬實蓼。

又曰：豚秋用蓼。以上淵鑑類函

香蓼

倍名德蕪舍母搭德州加賀又名虎有搭德上同
又名憂母搭德上同又名憂法搭德上同



香蓼

蓼陶隱居云香蓼亦相似而香嘉祐補註本草

今按陳藏器本草云諸蓼竝冬死惟香蓼宿根重生

人為生菜最能入腰脚也上同

臣禹錫等謹按蜀本圖經云青香二蓼葉亦相似而

俱薄上同

庶物類纂蔬屬卷之四十四目次

青蓼

赤蓼

紫蓼

白蓼

紅艸

水蓼

青蓼

倍名涯ハ拿ナ結キ搭タ德ト
州周防又マ名ナ那ナ搭タ德ト
州加賀又マ名ナ拿ナ划キ拉ラ搭タ德ト
州上野又マ名ナ拿ナ划キ拉ラ搭タ德ト
州上野又マ名ナ拿ナ划キ拉ラ搭タ德ト

青蓼

茶蓼也。紫色者茶也。青色者蓼也。其味辛且苦。食明目。或謂紫葉者為香茶。青者為青茶。亦謂紫色者為紫蓼。青色者為青蓼。其長大不苦者為高蓼。高或作馬。○晉

崔豹中華古今註

蓼有數種。葉長銳而薄。生於水中者曰水蓼。葉圓而厚生於澤中者曰澤蓼。一名虞蓼。亦謂之蓼。而許叔重云。蓼一名蓼。虞非也。蓼音高。○唐顏師古急就篇註

機謹按。據此說。則以青蓼葉尖而薄者為水蓼。圓

而厚者為澤蓼也。

陶隱居云青蓼人家常有其葉有圓者尖者以圓者為勝所用即是此乾之以釀酒主風冷大良嘉祐補註本草

臣禹錫等謹按蜀本圖經云青香二蓼葉亦相似而俱薄同

青香二種葉亦相似而俱薄本草圖經

蓼一種叢生高僅二尺許細莖弱葉似柳其味香辣

人名辣蓼明王蓋臣二如亭羣芳譜


古今註云紫色者茶也青色者蓼也其味辛且苦食

之明目或謂紫葉者為香茶青者為青茶亦謂紫色

者為紫蓼青色者為青蓼其長大不苦者為高蓼高


或作馬彙苑詳註

本草綱目卷之四十四



赤蓼

一名紅蓼
本草經




本草綱目卷之四十四

蔬屬


赤蓼

一



赤蓼

赤蓼一名紅蓼
本草
圖經



疏屬

赤蓼

二

紫萼

紫萼

倍名脱^ト蕪^ウ搭^タ德^ト
州^州又名盍^ア戛^カ搭^タ德^ト
上同 州山城
又名戛^カ蕪^ウ拉^ラ噎^イ搭^タ德^ト
賀^賀

紫萼

蔬屬 紫萼

紫蓼

茶蓼也。紫色者茶也，青色者蓼也。其味辛且苦，食明目。或謂紫葉者為香茶，青者為青茶，亦謂紫色者為紫蓼。青色者為青蓼，其長大不苦者為高蓼。高或作馬。○晉

崔豹中華古今註

蓼陶隱居云：此類又多人所食，有三種。一是紫蓼，相似而紫色；一是香蓼，亦相似而香，竝不甚辛而好食。

嘉祐補註本草

臣禹錫等謹按蜀本圖經云：紫赤二蓼，葉小狹而厚。

本草綱目卷之四十四

上同

紫蓼即水紅花江陰縣志

機謹按紫蓼與水紅花其種異

白蓼

本草綱目卷之四十四

蔬屬 白蓼

白蓼

三茅君傳有作白蓼醬方白蓼藥譜無聞疑即青蓼

也本草經

機謹按白蓼苗葉似馬蓼開白花味甚辛非青蓼

也

京蓼紅白二種白者為白蘋二月下子清石巖逸叟

書

本草綱目卷之十四

蔬屬

白蓼

二

葑草

一名紅爾雅一名龍古同上一名蕪同上一名龍鼓

爾雅一名游龍詩一名馬蓼同上一名鴻鵠名醫

別錄一名天蓼同上一名石龍同上一名大蓼本草拾遺

一名白水葑救荒本草一名紅蓼舊曲一名火蓼

同上一名雀膝草同上一名水蓼八閩志一名大節

蓼汀州志一名水蓬花河間志一名水葑陳藏器

俗名客拉山城又名法虎各虎拉又

名虎谷搭德筑前又名憂虎各虎拉州肥前

蕪屬 葑草

葑草

其莖粗如拇指有毛其葉大如高陸葉色淺紅成穗
 秋深子成扁如酸棗仁而小其色赤黑而肉白不甚
 辛炊煨可食明李東璧本草綱目
 白水葑苗本草名葑草一名鴻藹有赤白二色爾雅
 云葑龍古其大者歸鄭詩云隰有遊龍是也所在有
 之生水邊下濕地葉似蓼葉而大長有澀花開紅白
 又似馬蓼其莖有節而赤味鹹性微寒無毒救飢採
 嫩苗葉焯熟水浸淘淨泔鹽調食洗淨蒸食亦可

徐明

本草綱目
 蔬屬
 葑草
 二

光啓農
政全書

本草綱目卷之四十四

水蓼

一名薔爾雅一名虞蓼同上一名澤蓼爾雅一名

圓尾草肇慶府志

俗名盍ト噎イ搭タ德ト山城

本草綱目卷之四十四

蔬屬

水蓼

水蓼

舊虞蓼爾雅○蓼音了

虞蓼澤蓼晉郭璞爾雅註

舊一名虞蓼即蓼之生水澤者也周頌良耜云以薊

荼蓼毛傳云蓼水草是也宋邢昺爾雅註

虞蓼澤蓼也生水中者宋鄭夾深爾雅註

蓼有數種葉長銳而薄生於水中者曰水蓼葉圓而

厚生於澤中者曰澤蓼一名虞蓼亦謂之薊而許叔

重云蓼一名舊虞非也舊音舊○唐顏師古急就篇註

虞蓼此即蓼之生水澤者也似蓼莖赤味辛一名蓼

爾雅曰蓼虞蓼是也宋陸佃

蓼生水澤楚辭曰蓼蟲不知徙乎葵菜言蓼辛葵甘

蟲各安其故不知遷宋謝翱楚辭芳草譜

德興縣鄉落間失其名有大潭四十年前一巨鰈出沒

其中身如葦席兩頰長闊每出游泳輒有小者數十

從之亦各長三四尺居民見之熟不以為異某道人

自江西至與告者言此物不可不去若停留更久將

為里社興大災諸人僮見信肯稍出錢與我當為去

之於是村疇遠近共約許以三十于道人曰吾必俟

見效然後告行使采刈水蓼無問新舊乾濕悉貯於

敞竹籠中凡數日所得盈岸乃舉置於澤翌日曠露

空起障寒潭面零雨霏霏一聲震響如雷徐即開霽

則自潭上削成溝深徑各數尺巨鰈由之而出赴江

中群魚尾隨者十餘頭曝於泥沙不能去村民爭取

以食一鄉喜賀謝錢如約竹之道人受已即辭去然

無有詢其鄉里姓氏者邑士張增師川新見之為景

裴說宋洪邁

水蓼唐本註云葉似蓼莖赤味辛生下溼水傷今按
 別本註云生於淺水澤中故名水蓼其葉大於家蓼
 水按食之勝於蓼子唐本先附○嘉祐補註本草
 唐本註云水蓼葉大似馬蓼而味辛被蛇傷搗傳之
 絞取汁服止蛇毒入腹心悶者又水煮漬腳將之消
 脚氣腫生下溼水傷上同
 臣禹錫等謹按蜀本草圖經云馬水二蓼葉俱闊大上
 有黑點上同
 機謹按本草圖經爾雅翼同

陶隱居云青蓼入藥然其葉但堪食又以馬蓼為葶
 草已見上條餘亦無用蘇恭以水蓼亦入藥水煮將
 脚者多生水澤中周頌所謂以薺大羔切茶蓼爾雅所
 謂蒿虞蓼是也本草圖經
 三茅君傳有作白蓼醬方白蓼藥譜無聞疑即青蓼
 也上同
 機謹按蓼花皆紅惟水蓼花白所謂白蓼即是而
 非青蓼也
 水蓼大率與水紅相似但枝低爾今造酒取以水浸

水蓼 疏屬 水蓼 四

汁和麩亦假其辛味宋寇宗奭本草衍義

蓼實即神農本草經第十一卷中水蓼之子也彼言蓼

則用莖此言實即用子故此復論子之功故分為二

條春初以葫蘆盛水浸溼高掛於火上晝夜使煖則

遂生紅芽取以為蔬以備五辛盤同上

水蓼此乃水際所生之蓼葉長五六寸比水荇葉稍

狹比家蓼葉稍大而功用彷彿故寇氏謂蓼實即水

蓼之子者以此故明李東璧本草綱目

水蓼生下濕水傍葉似馬蓼大於家蓼莖赤色水接

食之勝於蓼子今造酒取葉以水浸汁和麩作麩亦

取其辛耳明李東璧食物本草

水蓼生淺水澤旁葉長五六寸比水荇葉稍狹比家

蓼葉稍大莖赤色今造酒家以水浸葉取汁和麩作

麩亦取其辛香耳明倪朱謨本草彙言

蓼爾雅曰蒿蓼郭璞註虞蓼澤蓼也一名水

齊民要術曰三月可種荏蓼荏性甚易生蓼尤宜水

畦種也同上

崔寔曰正月可種蓼同上

家政法曰三月可種蓼上同

齊民要術曰蓼作菹者長二寸則剪絹袋盛沈於醬

甕中又長更翦常得嫩者若待秋子成而落莖既堅硬葉又枯燥也取子

者候實成速取之性易凋零五月六月中蓼可為齏

以食上同

蘇恭曰莖赤色水按食之勝于蓼子上同

寇宗奭曰水蓼造酒取葉以水浸汁和麵作麩益又

其辛耳上同

此即蓼之生水澤者也似蓼莖赤味辛一名蒿爾雅

曰蒿音虞蓼是也詩曰其罇斯趙以薺音蒿茶蓼茶陸

草也蓼水草也以薺茶蓼則高下無所不治且因暑

雨化之則草不復生而地美蓋非特去草之害亦以

醲音濃其田疇故茶蓼朽止於是黍稷茂止也月令季

夏音饒穡音雜除音替行水利以殺草如此熟湯可以糞田

疇可以美土疆此之謂也詩曰未堪家多難予又集

于蓼成王初惑管蔡而疑周公四國之亂幾毀王室

則掌集于蓼矣悟而忘音秘後患故曰未堪家多難予

又集于蓼予又集于蓼言辛苦也離騷曰蓼蟲不能

從乎葵藿則葵藿耳而蓼苦故也吳越春秋曰越王
念復吳怨卧則切之以蓼冬則抱冰夏則附火言其
刻志如此明牛哀埤雅廣要

蓼子擇細葉者是苦川蓼則大葉葉中有青點宜細
辨之明王百堂證治準繩

圓尾草即水蓼也生深水灘地葉如蓼不作花魚亦
餌之肇慶府志

京蓼紅白二種白者為白蘋二月下子清石巖逸叟增定致富奇書

